

## **O le ā se mea ou te faia ou te fesoasoani ai i si a'u tama?**

### **Lagolago**

E le o tagata uma e fiafia i le matematika. Peita'i, tātou te fa'aaogāina le matematika iā tātou galuega i aso faiso'o, o lea, mo se lumana'i manuia o lou alo, e tatau ona fa'amanuiaina lana a'oga i le matematika. O se tasi o auala faigōfie e mautinoa ai le fa'amanuiaina olou alo i le matematika, o lau lagolago. E telē se taimi e te fesoasoani ai i si ou alo e pei o le umi o le taimi e te faitau tusi ai? E fa'aalia sou agaga fiafia e fesoasoani ai i galuega o le matematika a lou alo e aumai i le 'āiga?

O oe o se fa'ata'ita'iga sili lea mō lou alo, ma o lona manatu i le matematika, e atagia mai ai ou manatu.

E faigofie lava ona e fiafia i tusi faitau a lou alo, o ana tusitusiga, ma ta'aloga e ta'alo ai i le aoga. Taumafai ina ia tutusa ma lou fiafia i le matematika olo'o a'oa'oina ai.,

### **Fa'alogo i le fānau**

O le Poloketi o le Numera, ua fa'amoemoe e fa'amālosia le fānau e māfaufau i auala 'ese'ese e fai ai a lātou galuega ma ia mafai fo'i ona fa'amatala atu i isi. Afai e fa'amatalaina e lou alo 'auala na tali ai fesili – FA'ALOGO. E lē taumate, e lē o au auala ia, ae le fa'apea ai lā e sēsē ai lou alo. Talia auala 'ese'ese e fa'aaogāina e lou alo e fai ai ana galuega. Fa'amālosi e fa'amatala mai o lātou māfaufau. O ni isi taimi e mana'omia le fa'aaogāina o alagā'oa e iai, counters, po'o peni ma pepa, e fa'aali mai ai le uiga o ā lātou galuega. E tatau fo'i ona e sāuniuni e fa'aaogā ni isi auala 'ese'ese.

### **Tu'u iai avanoa e fai ai ā lātou galuega o le matematika**

O le matematika e i so'o se mea! Tusa lava po'o le ā le matua ma le tomai o lou alo, e iai lava avanoa e fa'ata'ita'i ai le lātou matematika.

Afai o lou alo olo'o a'oa'o e faitau – fa'afaitau . Pe faitau le aofa'i o sitepu i le auala fa'asitepu, a'ofa'iga o meata'alo i luga o le fola, aofa'iga o ta'avale e pasi ane, pe so'o se mea lava e te māfaufau iai. O le tele o avanoa e fa'afaitau ai, o le lelei fo'i lenā.

Afai olo'o a'oa'o le fa'aopoopo a lou alo – fa'afa'aopoopo. Olo'o iai mea faigōfie e pei o le aofa'i o naifi i luga o le laulau, fa'aopoopo le aofa'i o tui olo'o i luga o le laulau. Po'o mea faigatā e iai le tau o oloa i le supamāketi. 'Ae aua fo'i ne'i galo le tō'ese Fesili i lou alo po'o ā a lātou galuega olo'o faia i le matematika i le ā'oga, ma taumafai e fa'aaogā i ā outou galuega i aso faiso'o..Afai o lātou a'oa'oina vaegāmea, fesili iai i vaegāmea.. "O le ā le vaegāmea o tamaiti i le tou 'āiga?" "O le ā le vaegāmea o le susu lena e totoe. E lē gata ina maua ai le avanoa e fa'ata'ita'i ai, ae ua lātou iloa ai fo'i, e feso'ota'i le matematika ma mea moni e tutupu i ō lātou olaga

### **Ni isi o avanoa lelei e a'oa'o ai le matematika:**

- Tupe – faitau ma fuafua. Tupe fa'aagaaga, tupe teu, tupe o le fa'atau...
- Fuaina o mea - umi, avanoa, telē, mea e fai ai kuka...
- Malaga - faitauina o numera o fa'ailoilo mo tamaiti laititi, fuafuaina o le mamao, ma le saosaoa mo tamaiti mātutua.
- Ta'aloga - Monopoly, Bingo, ta'aloga laupapa, pelē...
- Taimi /polokalame.